

永樂大典卷之一萬四千五十五

四霽

祭

祭文十三

宋儒芳大全集黃恭之祭梅卿叔文 惟靈慷慨正直得於天資莊靜夷雅夙出源革種學績文優游乎聖賢之域砥節礪行周旋乎規矩之內奉親長著孝友之風飭子弟有義方之誨繫厥德之純備宜享齡之未艾胡六旬而甫及乃一疾而遽薨莫能詰造化於小兒殆將任勞逸於大塊某等怡愉骨肉縫紉愛情茶醕酒盞日聚時會感佳節之過眼悵音容之何在慘黃花而無色對西風而一醉嗟物是以人非覺肝裂而腸碎飲此恨於終天想英靈之不昧嗚呼尚享 祭商通直文 嗚呼蒼天喪我耆德邦人諸友莫或矜式惟公操履舉世所難末俗波瀾屹立其間雖刀之利人所競馳而公湛然若無以爲一經教于人曰不切而公終日食不違咽乃闢義齋于室之西擇師訓徒邦人是休有子八人頭角嶄嶄談經解順議論不凡天子有詔廣學育才天下之士于于而來公命諸子勉之于處士而懷居爲足成名着鞭爭先不踰數年蜚聲上庠仕路聯翩公以子貴

荐膺綸命。人皆曰公陰德之應。翁娘相對蘭玉滿前。人皆曰公五福之全。今其往矣。公亦瞑目。我輩踵焉。能不慟哭。斗酒酹公。如將見之。公如有知其鑒于茲。嗚呼尚饗。祭鄭大著文。嗚呼。理固有不幸而幸。當然而反不然者。其顛倒不可曉。未有如公之甚也。公之所學。顏子之不遷怒。不貳過也。公之所養。孟子之至大至剛以直也。公之所操履。大學之所謂正心誠意。儒行之所謂特立獨行也。以愛親之心愛君。以正己之學正人。陰夷一節始終之心。表裏一致。此公之所優為。而卓卓乎聖賢之域也。僕視公為畏友。公亦喜僕之無他。故相信愛獨深。有善必告也。聞過必諫也。庠序肄業同也。館閣校讎同也。僕之塵忝。偶先公之一年也。公之補郡。亦相繼以去國也。去冬僕將之官。握手道別。無他屬也。惟援敬事而信。節用而愛人。使民以時之語。以相勉也。僕既汨汨南來。且逾半載。每得公書。寒暄之外。則節欲防瘴而已。體國愛民而已。世俗獎借無一辭及之也。嗚呼。今之所謂士大夫。其有賢於公者耶。死於國。死於病。吾無憾也。豈謂一世英俊。而死於草木之變耶。僕始聞之。而未信也。意公以直而受謗也。中信之而猶疑也。意其薄傷而終瘳也。既而的且信矣。益涕泗交下。寢食不美者。凡不知其幾旦夜也。嗚呼。公竟殞於是耶。此僕所以求其說而不可得。不免舉

而歸之不可曉也。僕非為喪友惜也。為天下喪賢士惜也。為朝廷喪直臣惜也。想夫一時縉紳摧氣海內痛心。蓋不獨僕之惜之如此之深且切也。抑又聞之前輩有為幽明達之說者。謂冥司主斷。必求夫世之忠亮正直之人而為之。吾意公之遠往。或者公為是耶。公之母老而慈弟才而愿。婦弱而淑。子幼而孤。相與求公死之說。而不可得。盡亦以是求之。僕牧淡海濱。宦情雲薄。一觴寄醉。形與神馳。公其嚙嚙於此耶。尚享。孫仲宣祭鄒次魏文。嗚呼。嗟我蠢愚。屢屬罪罟。白首龍鍾。投畀南土。交親解散。磨走狼顧。如避垢污。掉臂而去。病卧空山。一室環堵。爭席滿前。誓天爾汝之子英妙。文中之虎。携書銜袖。遇余逆旅。議論盡出。稽經引古。西階東序。九鼎十鼓。翰墨之場。群獻俱侯。引脰一鳴。千鈞射鼠。我老歸耕。十變寒暑。相望一涯。二江之阻。被襖囊書。獨行踽踽。忽然顧我。漢陰之園。倒水迎門。喜於欲舞。促膝晤言。較難炊黍。談別幾何。恍如再撫千里。計聞方食失筋。豈其夢耶。而遽如許。老人無徒。吾孰與處。子有齊室圖書之府。製名松葉。義取韓愈。書米微銘。藥石之補。遺墨爛然。尚祕箱笥。文成欽致。未及子睹。掩卷驚呼。老疾如雨。子今在殯。寧聞我語。庶幾挂劍。徐君之墓。嗚呼。哀哉。尚享。葉儀鳳祭飛英子文。嗚呼。飛英命止於斯耶。吾不敢怨蒼蒼。恨冥冥。

不生子則已。既範子形。又賦子才。奈何子之壽遽止。斯耶子以少年豪邁之氣。可以貫白日。凌青雲。蓋將翹日起家。夫何一跌秋闈。槐黃有恨。竟以明月之珠。夜光之璧。暗頓委於風沙。嗚呼。飛英古來才大難為用。志士幽人莫嘆嗟。子安知其終不售。乃鬱鬱憤悶。一至於斯邪。嗟子之文妙奪春葩。振陽和於筆端。筆端之樹皆萌芽。嗟子之賦。飛霜展露。莫能遏嗟子之詩。池塘春草。何以加。雲山之會。萬里圭壁。赤城之巖。萬丈雲霞。惜乎不為封禪書。不作洛陽賦。奈何。得爾勝。柱爾腹。抱萬卷。而為灰耶。嗟子之筆。龍騰虎拏。得手應心。不模而佳。行行春列。字字秋蛇。非顏非柳。迥然一家。不書磨崖碑。不寫洛陽賦。奈何。捲銀鈎。收鐵畫。握雙拳。而去耶。嗚呼。飛英子何往。子雖往而神不沒。吾疑天上玉樓成。地下修文閣。不然。戴陽真人銘星宮。玉皇上帝頒析札。夫何德星降。此酷罰青帝。春風竟十八。嗚呼。疑爾神駐爾卑。小試為我留須臾。敢再拜而三真告汝曰。自古之初。靡不有終。董常以弱冠死。顏回以壯室殂。仲淹悲之深。曰。吾何遊。宣尼哭之慟。曰。天喪予。子以董顏之賢。而壽且不及。我無賢聖之道。而哀誠有餘。嗚呼。飛英子何辜。傷如我者。古未有。夫如此子者。古亦無。此言不必文。此意不必掩。嗚呼。汝知之乎。填然鼓聲。登堂聚徒。踰濟濟。振水趨隅。當此之時。子安

在情何如月淡管席風清綺疎銀缸掩映琅琅誦書當此之時子安在情何如旬月休假詩酒相娛笑語繁發滿堂歡呼當此之時子安在情何如嗚呼飛英得無怨乎天陰雨濕欲一覲子之面可復得乎空階步月欲一執子之手可復得乎琴劍縱橫手澤如故嗚呼飛英在去此而死乎子之得疾一切廢置問則詩書惟慮學廢吾傷子之賢吾戚子之親造化之間儻有再生之理則必為名卿鉅公而續厥志子之將行兮無他說但呼嚴君告以枯竭余聞此語嗚嗚啞啞嗟嗟呼天地之魄消山川之氣絕春江鴨綠兮浪千頃春柳鵲黃兮怨萬結春風怨兮春花殘吾故人兮千秋永訣痛割腸而欲斷酸逼肝而欲裂心寒寸寸灰淚泣滴滴血丸泉深處聞不聞有恨終天兮飛英此別嗚呼哀哉尚享汪彥常祭俞武節文嗟予與君同一甲子少而周旋今則三紀况連婚姻情莫君比中間倦游難見無幾見斯忘形笑語終畧稍相離群書報盈几比聞君歸自適生理客來舉觴客去掃軌問嬰微病旋即拜起云何計者忽到余耳嗚呼哀哉惟君之文貫穿經史揮毫詞場觀者血指惟君之材實中煩使一官意行三仕三已余年早棄世味如水三靈之陽日拱松梓願還印章同曠廢齒豁山光然君則已矣嗚呼哀哉人生百年曾不旋趾幾人如君卒以樂死濁醪

一樽寄醉千里。屬辭寫哀。并用當諱。嗚呼哀哉。尚享。祭太學同舍文。
嗚呼。某人命止斯耶。以君之年。如猗蘭。杞菊。方欲擢秀。而遽摧其芽。以君
之才。如連城。玢珞。方欲追琢。而遽裂於瑕。矧君之慈祥。愷悌。尚友之久。而
中道奪去。其誰不嗟。嗚呼。哀哉。人生世間。如沫聚水。合散須臾。寧有定體。
蟲臂鼠肝。均在鑪錘。方生方死。其樂等爾。子返其初。何足追企。但悲夫北
窻之間。几席蕭然。霜月明秋。風激想夫音容尚存。而人則已矣。况於家山
阻深。夔絕千里。壽親在堂。誰繼甘肓。室有孺人。今則誰恃。旅魂孤軫。何日
歸止。興言及茲。殯淚如洗。嗚呼。哀哉。悠悠百年。壽夭一終。死必有所在。子
則窮白馬。素車。故替交情。於元伯。隻鷄。斗酒。聊陳哀韻。於橋公。嗚呼。哀哉。
尚享。王國錄祭鄭狀元文。惟靈處畎畝。而志在廊廟。以韋布而氣陵
公卿。成均獻書。天子色動。金鑒綉筆。雄豪膽驚。華問鉤鐔。于宇宙。高文烜
赫。乎著度。蓋其學本仁義。故無詭說。行蹈中庸。故無矯名。方習俗之澆薄。
賴公執古之禮行古之道。以藥其既病。方士風之委靡。賴公其操也。持其
論也。正以文。其將傾含香蘭省。姑試其攝事。剖竹名城。將觀其治民。如鵬
之飛。勢摩九霄。胡為而遽折其翼。如車之載日。適萬里胡為而遽毀其衡。
雖公之精神同流天地。固不恃形而立。然公死之異。遠近傳播。執不驚嗟。

而涕零某等又諧色笑俄隔幽冥真非真告哀蓋亦傷乎吾道之無人尚享
又惟靈不遠之復由顏而得故視聽言動已常自死至大之養自軻
而傳故貧賤富貴氣常浩然布衣陳事而敢論時政之可論以詞坡對策
而能言諫官之未言小人以懼而君子以恃士氣益增而吾道益尊何承
明之厭直乃力求於補藩何逆者之在遠而弔者之盈門豈非以直道處
世者易以惟人之機穽故神運而解者亦所以全其天某忝同舍選叨在
虛前屬予多病賴公着鞭以塞學校師儒之責以酬君親教育之恩駭聞
凶訃如失鵠原含哀菲莫少慰幽魂尚享許景衡橫塘集祭王經國文
嗚呼經國世人所慕公不屑為世人所難公獨易之三十年間奔走州縣
人皆公憐公獨不倦凡我長民以民為師夫豈他求惟天我知鄰寇猖狂
聞者四走公令其民吾其汝守厲兵蒐卒以固吾圉賊鋒屢接民卒按堵
宜惟吾邑旁障毗境億萬維生惟公為命天子嘉之能保我民召徵庸下
而公計聞攝紳齋咨論著初終恩錄其子天子勸忠士方平時抱能未見
遇事而發功立名顯矧吾經國宣弟英果使其得年何施不可嗟我與公
寔同臭味而公所造非我敢踰寓形斯世孰短孰長雲飛川駛此獨不亡
尊酒相歡今真一觥嗚呼經國烟若平生祭王義夫文嗟我涉世了

無一得天寔矜之界以三益有如義夫王國之美勁氣直辭期我有成百
鍊之剛莫施一割挹彼秋潦灌于尋尺出處三紀將起復仆惟惠在民曰
吾父母後生笑公進不自營我獨知之惟義之行使首一邑興悲父老胡
不百年福祿是考嗟予昏塞誰發藥之天既畀之蜀又奪之念昔為僚兩
河之間傾蓋銜杯綽有餘歡大篇短章更唱迭和公語一出獨驚四座歲
月幾何奄忽陳迹邈風北望涕淚淋漓位不侔德雖我亦疑公寔有子天
豈吾欺祭劉元脩文嗚呼元脩玉璞金潭孝友孜孜交際溫溫事竟
紛然錯節盤根至于元脩一掃劇煩雖昔先公德高丘園不有其躬以燕
後昆屹屹仲氏瑣闥掖垣簪笏相仍榮耀里門川游洋洋雲飛軒軒各適
其適可以忘言念我李姊早奉蘋蘩元脩友之琴瑟蘭蓀二紀之間款如
晨昏後先我何各返九原一時族姻僅爾有存言念及將涕淚河翻此理
尚矣宜勿復論永懷平生真此一尊祭蔡濟仲文嗚呼朋友道喪道
學不明我雖冥頑而得友生偉欺濟仲相與以誠誘掖切磋期予有成今
子死矣俵俵吾行我愧于知子墓我銘爾父命我我敢不承朱絃疏越世
人莫聽往以斯文告于冥冥我獨何為涕泗雨零寓辭千里備此一觥摩
剛高峯集祭鄭無慾文吾母之黨昆弟莫存惟公與母舅姑弟昆念昔

費舍從公于處自少及壯分甘共苦我竊科第公仍困躓晚乃得祿詎償
素志清節高義窮益可觀孳雅未飽孤貧悉歡持此懿行何福不介壽則
幾矣所享安在前死三日猶寄我書書詞無異謂病其蘇浮生無根倏然
已逝情親契厚寧不殯涕魂乎歸乎祔觀經從嗚呼已矣宜復見公張橫
浦先生集於史幾先文嗚呼幾先勅以律已儉以成家語人以信出言
無譁鄉閭之所宗仰君子謂之無瑕惟我與公心實相知我謫于南三惠
以書慇懃問勞語畢嗟吁令我北歸意則無喜謂當與公一盃相屬優游
卒歲林下笑飲此意未遂公則已亡計音來告老淚滿鬚聞公有子力學
未已當大公門少遂公志薄穀在垣清酒一庖公如有靈庶其享之 祭
解帥文 惟公剛而能審武而好文老而不變幼則有聞憶我平生初未
識君謫居橫浦乃挹清芬樽酒相樂談辭如雲酒酣耳熱氣凌三軍倒屣
傾圉兩忘主賓歲瘴所都飲冷食新日捐月削病軀猶旬竟至不起嗟誰
與親君居藍田死乃江濱首丘弗獲藁葬此辰肉簪而潔酒醇以清能獲
享此有淚濡巾 祭鄭仲遠文 公有治民之才有華國之文有深遠之
度有奇詭之策而議論則正人物軒昂謂必居諫官御史之負西掖北門
之職而年未登五十官止於九品位不通縣令百未一扼胃疾而死嗚呼

哀我堂有老母室有寡孤流離顛沛以至於此嗚呼哀我念我與君義乃
同年情如兄弟不見顏色僅過年餘平生之歡終天之訣嗚呼哀我病不
及知歎不及哭腸豆之其遠歎老懷公如有知庶或享之 蔡虞深之文
嗚呼深之公之為人寫於中外信於朋友寬以臨民禮以待士遇事不
惑應變無窮識利害之所歸知終始之必爾如著龜之先見如軒鑑之清
明挾此之材用此之德以年則當享上壽以官則當位大夫今官止於一
薄年不滿六十一病不復竟成永訣嗚呼痛哉我之與公始於學校之舊
終為姻婭之親情同弟昆義均休戚我竄竄下交親邈然隻影自憐斷蓬
無托凜乎佳公兩遠問勞書詞惻惻藥物豐備今則已矣尚何言哉回思
孀妹遠憐孤兒痛徹于心其誰我慰生芻之真一寫哀號朱松韋齋集蔡
鄭龍巖文 我慰允溪少未聞道不安厥官跌宕物來雄賢宰君不我取
疵美疾潛去砭之藥之吧稍有聞追悔何及見客則多賢我師德允仙之
別俯仰六年公宦龍巖手書見存知我倦游日因霸塞督以赴銓携家來
寓來官公卿日訪代期阻閭十舍致予望之重允之書繁然累紙既再涉
旬與計俱至嗚呼哀哉公與人交通介之聞外同光塵涇渭了然達於民
政心為衡石清畏人知不示赫赫勝日婆婆萬事一尊考評書詩有流有

源辰夫吉人宜壽宜貴宜其微病一卧遂訖位高疾顛基薄榮壙播惡道
臭形渥而凶公齋令名全歸瞻下位雖不充無復憾者樂樂諸孤庸以畏
歸身有吏責往吊不時德義之隆追懷永慨孰知子悲寄此一酌王十朋
梅溪集祭孫子尚文嗟嗟子尚君亡矣夫千里風傳真手僞手謂果然
耶君氣如长虹貌如明珠才如錦繡語如瓊瑤體有四乳之奇目無再閔
之書意造物者不偶然而生之必特富貴其形軀豈青春之方壯不需一
命而云殂謂果不然耶鄉人西還計音不虛謂君初諧和鳳之鳴日更晦
朔之餘死於鵬告賈生之月而地於勾踐之故都嗚呼悲乎吾平生道義
之故人果為異鄉之新鬼乎自聞訃兮十日晝痛哭而夜欷歔豈無友朋
知心已無白雪陽春歌誰和予流水高山彈誰聽予君歸不留孰為我徒
長記與君從容聯席於金谿之日涕泣分袂於白沙之初付悲歡聚散於
一夢閱十年如過隙之駒我輒繫於簫臺君萍飄於太湖渺天涯與海角
歎影隻而形孤前年仲春書傳鯉魚謂將從伯氏於天台必命駕而尋吾
念君不負於一諾固嘗辦鷄黍而掃吾廬望車音兮香香鬱喜懷兮不舒
豈千里之期不可審而行止有非人所能為者歟吾亦謂二人齒髮未衰
而後會必有豈知一剎而死生殊途天乎痛哉天乎痛哉某罪逆殘生緣

姪未除不獲效巨卿之執紼訪元伯之輶車明慶招提君嘗寓居意神魂
之或在真一束之主芻祭張器先文秀自妙發德由少成唾手鄉薦
裴英月評蕭灝宗之風流長卿壯游上岸益馳令名選壓萬中賦高二京
覃思稽古下帷授經史學最長詩律尤精暮景侵尋一第始登宜在館閣
盡揚王度天乎命乎卒于一丞嗚呼哀哉我守泉南君官福清惠然肯來
不寒前盟賓主俱病相視而驚醫藥是急酒杯莫傾猶有笑談以話交情
別未踰月兩家寄聲報贖方違計音忽聆嗚呼哀哉四海之內孰非弟兄
君有同僚後事是營暑雖孔熾喪不可停我有官守往吊莫能走賻遺真
聲吞涕零祭萬先之文嗟嗟先之厚德美才命止於斯天乎痛哉必
大之門說說蘭玉子方妙齡已見頭角聲蜚槐市蔚為上游齎鹽十年一
第始收遠官清湘師儒是職南方多士惟子是式紛紛輩行彈冠帝鄉子
獨恬然不干廟堂得掾南昌需次家食胡為一疾竟至於革上相知已諸
公薦賢命在匪伊胡不少延慈親在堂壯婦在室兒女滿前百事未畢子
可無憾有鴈在原後事可託如身之存散落人間光豔遺蹟集而傳之敢
任其責故鄉語別曾未踰年子死我病兩俱可憐凶計南來孰不嘆息遺
奠一觴老淚迷滴代祭萬叔永文嗟嗟我公德尊一鄉宗族協和門

聞阜康六子超庭一桂先芳豈唯一門鄉閭之光賀客在廬弔客倚牆來
我古人命胡不長家君與公情好相忘婚姻世脩如謝與王一二年來游
宦遠方恨不親臨元伯之喪家書有命達酹一觴祭曹夢良文嗚呼
我與夢良三紀論交義則弟兄堅如漆膠君方妙齡卓然自立才雋氣豪
人莫能及書生事業有短有長君如巧匠能圓能方李詩謝賦賈論晁策
聲蜚廣場筆掃勦敵少從明師學有淵源推以教人典刑具存散為篇章
戲成駢儷一言之出高晚前輩隸業太學君居我先同登科名若相待然
作孫嚴陵赫然有譽需次閩洋行將美赴我嘗以君名聞廟朝拭目以觀
聳竚昂霄胡為一疾遽然不起命壓人頭乃止於此嗚呼前年之冬我赴
泉南以書見招至于再三訪君許奉禮盛饗豆送我坡南珠玉滿袖滿擬
歸來重登慶門孰知計音中途遽聞孀人孀居婚嫁未畢族大義高必能
周卹狀君文行撫君孤道我或未死其何敢辭追念交遊零落可痛我老
君死云胡不慟祭吳守文嗚呼已未之前未墮胞胎君奚為耶壬寅
之後謝去根識又安歸耶六十八年劫界塵勞迄如斯耶仕至一麾奉極
千金竟何裨耶君子是親小人是疎亦賢非耶所恨未逢大善知識挑發
機耶遇此已往未之或知益耘籽耶轉腦回頭霜落果熟香芳菲耶昔我

語君圓覺楞嚴歸程皆耶君函烈觀頗亦驚省覺有茲耶目光蕭蕭氣息奄奄還提撕耶惜不在旁擬起精神贈半辭耶宜君無朋獨我知君天臨之耶確實之論坦夷之度書所貽耶君深感激記此兩言著此心耶我在武林君在江陵蓋斯時耶兩言雖微萬善絲與母相啗耶如君為人匪惟此上舉世希耶恨無知音洞見幽境為發揮耶安用發揮他有一轉寄所思耶度君未辨拔出苦輪自在飛耶十類殊品三類最崇其中栖耶文者弗悖明者弗惑達弗疑耶擇一而處與之相離亦豈早耶身異性存孤山洪川抑有期耶思淚微聲君其知耶其不知耶胡五峯集蔡范元作文嗚呼身之窮達在於命耶抑在智耶命之濟否由於天耶抑由人耶粵觀于公竟如何耶少虞患難芝蘭萌芽長富文史沒有聲華承考之志克已無邪左丞愛之任于朝家起佐二州時多危蛇從容談笑解其紛拏仍使六路馳驅駟驂上裕國計下損民嗟噴有煩言載鬼一車婆娑散地種柳栽花有臺有觀無貌無諱母怨母惡莫惜莫嗟于子孫孫綿綿如瓜昔之用也鴉薦有嘉後之弁也玉本無瑕遠在命只濟由材如優執游哉人生有涯寢於巨室天高土遐一賜致奠魂其歆哉鄭剛中北山集祭潘朝議文公之享年也尊于吾里而又耳目聰明心志寬裕對人無衰老急迫

之容故人之有親者無不指公以為顧公之有子也賢于天下而又醜醜
醜醜以次皆佳雅容紳笏者半一門矣故人之教子者無不視公以為法
嗚呼美哉某伏念異時雖與舍人兄弟輩有場屋舊自顧身方窮賤勢不
可求親然公每見必開懷笑語示以雅故不相忘之意不謂今已使我追
望如古人矣嗚呼悲哉鄉邦賢丈人云亡而拘縻寸祿遠在海濱哭不望
惟葬不臨穴遣一介之吏持觴豆以薦區區雖臨風愴然有涕如綆負
多矣嗚呼愧哉尚享又代人作惟公蚤年脩身慎行稱於州里不以
家貧為累而以教子為心及其後也安榮壽考坐收教子之功家貧如故
而休顯之名享之甚寵嗚呼可謂賢也已矣高掩九原計無遺恨一觴之
奠聊薦區區非為悲也尚享祭樓通奉丈嘗謂人之享年也皆惡天
然亦豈能必永公數踰八十鄉黨稱仁一亡恨人之仕宦也皆惡窮然亦
豈能必達公官至三品始終無玷二亡恨人之有子也皆惡不肖然亦豈
能必賢公子為二府中外是賴三亡恨人生得三亡恨而死其於身名之
美州里之光亦休矣雖然公之子以奉親為顧而不以富貴利達為榮公
之心以山林為趣而不以珪組冠裳為樂故去年震子馬歸切至上止令
奉金帶將德意予嚴程之告俾迎公以來而公終弗肯至也今年榮感犯

昂五星出東方。正丙大夫蒙薄裝丞相請行之日。公遽為朝廷致。根臣於
苦茨中。諒薄遺易簣之恨。而膏藥不逮之痛。頗聞過禮。嗚呼。夢龍之室。自
難久虛。它日建立功名。成就恢復之畫。以中興名臣流涕而拜於廟下。則
公之微恨。可以盡釋。而孝子茹荼之感。弭焉。苟祿歟。生。係拘省戶。一觴之
其。寓悲無垠。拜遺斯文。有涕零落。尚享。萬立方歸。愚集。張莫。秀文。嗚呼。
枯墓三百。卿當傾三峽之辯。金釵十二。不假醉錦瑟之賓。濯月溪之清泚。
恐西塵之汚人。勇掛冠於神武。及強仕之青春。悟歲華之電掣。凜風雨而
難晨。數雖登於大壑。官僅綴於朝紳。忽蛻骨而仙去。賢竟厄於己辰。嗚呼。
來哉。惟操脩之內美。攬蘭茝以自初。見古人於黃卷。擁佔畢而微呻。忽棄
置於糟粕。思獨味於玄津。歸資深而達原。遂奔逸而絕塵。尚復牽於氣習。
猶吐故而納新。鍊華池以漱液。滌丹田以存真。戲五禽於衽席。養不死之
谷神。謂當出綠髓而三洗。早壽量於莊椿。豈期遽窘一杯之土。而爰蒼石
之麒麟也。嗚呼。來哉。惟我公之先世。通曾門之外姻。公棟宇於雲水。我田
園於江濱。情雖篤於中外。地若隔於胡秦。欲見公而不可。結肝膽以輸囑。
泊歲達於作噩。動妖梗於蒼昊。紛蛇豕之踐蹂。鳴清蹕以東巡。乃携孥而
避也。因卜築以依仁。望門墻之咫尺。航一葦於滄海。破雲程而放溜。舞清

風於白蘋每登門而侍坐辱誨藥之諄諄別音微之幾何驚駛景於義輪
忽計音之在耳愴心誓以酸辛款總惟而一慟落老淚以霑巾雖伯道之
無兒知德音之不泯有令孫之踴躍與九死之為隣始墨面而重跼走羣
山之嶙峋訪眠牛之吉兆得佳城於荆榛意公後之必大蔚曾玄之誼說
公何憾於即世其永安於寗宅會靈輅之啓行藹慈霧於松筠病莫諧於
執紼恐哀情之莫伸致肴蒸而蘭藉斟桂酒之清醇聊作文以備奠效楚
語於靈均葛勝仲丹楊集祭劉頌政文 嗚呼昔長此邦公來逆我道義
周旋三改槐火惟政與文俱見許可時平訟清舒嘯而坐五亭携觴四水
泛舸去職七年家國俱禍及再臨郡我往拜公公病卧聞華堂穹崇語及
時事淚涕交胷聚聚見抵大猶不窮盜起事繁闕於游從十日不見遽罹
鞠凶嗚呼哀哉惟公妙平詞藻英發文場倫魁經費俊傑書板鍾張才儼
管葛謂當青真闊步高躋晚塗跌宕意殊不屑荐更州麾連持使節布政
合宮著書省闕在公為窮在人為達晚祚一子天其乘除有孫繩繩且大
公間惟我困陋日困羽書食不遑暇阻送輅車遠致奠醑泣血連如何以
俯尊如玉生芻尚享林李仲竹軒雜著祭林尚友文 嗚呼我居安周君
在橫楊良覲伊阻隔水相望茲有北湖竹淨泉香君一見之愛而弗忘迺